



Broj : 01/21-02-627-3/22
Datum : 06.04.2022.godine

Z A P I S N I K

s 8. sjednice Odbora za boračka i invalidska pitanja Predstavničkog doma Parlamenta Federacije BiH, održane 06.04.2022. godine

Sjednica Odbora za boračka i invalidska pitanja počela je u 11:00 h u zgradi Parlamenta Federacije Bosne i Hercegovine, u ulici Hamdije Kreševljakovića br.3, Sarajevo.

Sjednicom je predsjedavao predsjednik Odbora Adžem Dževad.

Prisutni članovi: Mustafa Hrvic, Boro Krišto, Rahim Gadžić, Zijat Mušić, Tašo Dacić, Šemsudin Kavazović, Hasan Muratović, Matea Cakalin.

Opravdao odsustvo: Mujo Hasić, Marijan Klaić

Gosti: Mirza Terzo, Federalno ministarstvo za pitanje branitelja i invalida odbrambeno-oslobodilačkog rata.

Prisutnošću dovoljnog broja članova na sjednici Odbora ispunjeni su uvjeti za valjani rad u pogledu kvoruma i odlučivanja.

Odbor za boračka i invalidska pitanja Predstavničkog doma Parlamenta Federacije BiH (u daljem tekstu: Odbor), na 8. sjednici, održanoj 06.04.2022. godine, razmatrao je sljedeći:

DNEVNI RED

1. Usvajanje zapisnika sa 7. sjednice Odbora za boračka i invalidska pitanja;
2. Prijedlog Zakona o izmjenama i dopunama Zakona o pravima boraca i članova njihovih porodica - skraćeni postupak;
3. Prijedlog Zakona o izmjenama i dopunama Zakona o pravima demobilisanih boraca i članova njihovih porodica - skraćeni postupak;
4. Prijedlog Zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica - skraćeni postupak;

5. Očitovanje Odbora na zahtjev Ustavnog suda za ocjenu ustavnosti i zahtjeva za donošenje privremene mjere;
6. Tekuća pitanja.

Z A P I S N I K

1. Usvajanje Zapisnika sa 7. sjednice Odbora za boračka i invalidska pitanja Predstavničkog doma Parlamenta Federacije BiH

Članovi Odbora su jednoglasno usvojili Zapisnik sa 7. sjednice Odbora za boračka i invalidska pitanja Predstavničkog doma Parlamenta Federacije BiH, održane 02.02.2022. godine.

2. Prijedlog Zakona o izmjenama i dopunama Zakona o pravima boraca i članova njihovih porodica - skraćeni postupak;

Predsjednik Odbora je dao riječ Mirzi Terzi kao predlagачu Zakona. Mirza Terzo je istakao da je set Zakona urađen u koordinaciji sa boračkim udruženjima. Predviđeno je povećanje naknada 5%, dakle predviđeno je 12,5 miliona. Zakon predviđa povećanje naknada suprugama šehida i poginulih boraca koje nisu imale djece kao i roditelja šehida i poginulih boraca. Također, Mirza Terzo je istakao da je omogućeno djeci bez oba roditelja koja se nalaze na evidenciji zavoda za zapošljavanje primanje naknade te je pomjerena dobna granica za uživanje ovog prava sa 25 na 35 godina. Regulisan je uslov ostvarivanja prava na porodičnu invalidninu iza umrlog branioca, te je brisan rok u pogledu dokazivanja bračne ili vanbračne zajednice nakon smrti branioca. Istaknuto je da je propisano da djeca šehida i poginulih boraca, rođena u braku ili u vanbračnoj zajednici i nakon prestanka prava na porodičnu invalidninu imaju status člana porodice poginulog borca i ostvaruju sva druga prava propisana zakonima o dopunskim pravima boraca i članova njihovih porodica. Propisana je prednost u oblasti zapošljavanja, samozapošljavanja, obuke, prekvalifikacije i dokvalifikacije kao i dodjele sredstava za investicije u poljoprivredna domaćinstva (gazdinstva) i obrtnu djelatnost. Te je istakao da je 18,5 miliona povećanje budžeta za ovu kategoriju u odnosu na izvršenje budžeta prošle godine.

Odbor je donio sljedeći:

ZAKLJUČAK

Nakon uvodog izlaganja predstavnika Ministarstva za pitanja boraca i invalida odbrambeno-oslobodilačkog rata, Mirze Terze, Odbor za boračka i invalidska pitanja Predstavničkog doma Parlamenta Federacije Bosne i Hercegovine jednoglasno je podržao Prijedlog Zakona o izmjenama i dopunama Zakona o pravima boraca i članova njihovih porodica te se upućuje na dalju parlamentarnu proceduru i predlaže njegovo usvajanje.

3. Prijedlog Zakona o izmjenama i dopunama Zakona o pravima demobilisanih boraca i članova njihovih porodica - skraćeni postupak;

Predsjednik Odbora je dao riječ Mirzi Terzi, predlagачu. Terzo je pojasnio izmjene i dopune ovog zakona. Istakao je da je brisana je dobna granica za djecu koja žive u zajedničkom domaćinstvu sa demobiliziranim borcem i definisano je ko se smatra djetetom demobiliziranog branioca. Također, regulisan je način naknade za troškove dženaze/sahrane u slučaju smrti demobilisnog borca kao njena visina, te da pravo na pomoć za troškove dženaze/sahrane u slučaju smrti demobilisanog borca ima lice koje je iste platilo, pod uslovom da umrli nema živih članova porodice. Obuhvaćene su kategorije demobilisanih boraca povratnika u entitet Republiku Srpsku i Brčko Distrikt BiH, kao i supruge umrlog demobilisanog borca povratnika u entitet Republiku Srpsku i Brčko Distrikt BiH. Također je propisano da pravo na novčanu egzistencijalnu naknadu može ostvariti isupruga umrlog demobilisanog borca ukoliko na dan podnošenja zahtjeva ima navršenih 57 godina života ukoliko ne ostvaruje mjesečne prihode u iznosu većem od 50% minimalne penzije isplaćene u Federaciji BiH za mjesec decembar 2018. godine i ako je umrli bio pripadnik Oružanih snaga najmanje 12 mjeseci.

Mustafa Hrvić, kao podnosilac amandmana na ovaj zakon je istakao kako je neprihvatljivo da se umanjuje iznos naknade za troškove dženaze/sahrane. U važećem zakonu je predviđena naknada u iznosu od prosječne neto plate iz prethodne godine a da se ovim predloženim izmjenama i dopunama troškovi smajuju za 1/3. Ostali članovi Odbora su se složili sa mišljenjem Mustafe Hrvića.

Odbor za braniteljska i invalidska pitanja je donio sljedeći:

ZAKLJUČAK

Nakon uvodog izlaganja predstavnika Ministarstva za pitanja boraca i invalida odbrambeno-oslobodilačkog rata, Mirze Terze, Odbor za boračka i invalidska pitanja Predstavničkog doma Parlamenta Federacije Bosne i Hercegovine jednoglasno je podržao Prijedlog Zakona o izmjenama i dopunama Zakona o pravima demobilisanih boraca i članova njihovih porodica uz amandman podnesen od strane Mustafe Hrvića na Prijedlog Zakona.

4. Prijedlog Zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica - skraćeni postupak;

Mirza Terzo je obrazložio predložene izmjene i ovog zakona. Istakao je da je ovim izmjenama i dopunama ograničen je rok za ostvarivanje prava po ovom Zakonu za dobitnike ratnih priznanja i odlikovanja kojima su ista dodijeljena do februara 2000.godine, te utvrđeno da visina osnovice mjesečnog novčanog dodatka usklađivat će se u visini zbira 50% porasta potrošačkih cijena i 50% procenta porasta realnog BDP u Federaciji Bosne i Hercegovine u prethodnoj godini.

Odbor je po ovoj tački donio sljedeći:

ZAKLJUČAK

Nakon uvodog izlaganja predstavnika Ministarstva za pitanja boraca i invalida odbrambeno-oslobodilačkog rata, Mirze Terze, Odbor za boračka i invalidska pitanja Predstavničkog doma Parlamenta Federacije Bosne i Hercegovine jednoglasno je podržao Prijedlog Zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica te se upućuje na dalju parlamentarnu proceduru i predlaže njegovo usvajanje.

5. Očitovanje Odbora na zahtjev Ustavnog suda za ocjenu ustavnosti i zahtjeva za donošenje privremene mjere;

Predsjednik Odbora gosp. Adžem je upoznao članove Odbora sa zahtjevom Ustavnog suda za ocjenu ustavnosti i zahtjeva za donošenje privremene mjere. Članovi Odbora su raspravljali o Zahtjevu, te je Matea Cakalin istakla da su odluke Ustavnog suda FBiH konačne i obvezujuće.

Odbor je jednoglasno donio:

ZAKLJUČAK

Odbor za boračka i invalidska pitanja Predstavničkog doma Parlamenta Federacije Bosne i Hercegovine postupajući po zahtjevu Ustavnog suda Federacije Bosne i Hercegovine broj: U-13/22 u ostavljenom roku očitujući se po Zahtjevu za ocjenu ustavnosti broj: 03-01-1-65-1/22 i Zahtjevu za privremenu mjeru 03-01-1-65-2/22 pozvao je na poštivanje ustavnih odredbi, tačnije člana IV. C. 12, kojim je propisano da su odluke Ustavnog suda Federacije BiH konačne i obvezujuće, kao i na poštivanje Poslovnika Ustavnog suda Federacije Bosne i Hercegovine, tačnije člana 61, kojim je propisano da su odluke Ustavnog suda Federacije BiH konačne i obvezujuće i da su tijela vlasti u Federaciji BiH a u okviru svojih nadležnosti utvrđenih Ustavom i zakonom, dužni provoditi odluke Suda.

6. Tekuća pitanja

Po ovoj tački dnevnog reda nije bilo rasprave.

U skladu sa članom 53. Poslovnika Predstavničkog doma Parlamenta Federacije BiH za za izvjestitelja je određen Adžem Dževad, Predsjednik Odbora.

Sjednica Odbora završila je s radom u 12:00 sati.

PREDSJEDNIK ODBORA

Adžem Dževad, s.r.